

大清光緒十三年

本館新聞除禮拜外日出一張諸君賜閱本報者無論本埠外埠均可函致本館取閱如外埠閱報加寄費可也除日報照常刊送外復不惜工本從英國採辦新式機器以待與各官商刊印書籍單件並有英國各體活字及各式花邊等延有西人印工藝精細所有中西文字均能刊印並有石印字大小機器均用精工刊

第一千七百二十六號

申報

本館開辦源順街第廿五號門牌

印工銀絕倫前延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後諸君來札尚祈自諒更須寫實里而後敢登但來稿登與不登均不能將原稿收回也 本館謹白

丁亥七月初四日

凡閱報者每月報費一元每日售錢五仙(大英一千八百八十七年八月二十二號禮拜一)凡刊印告白第一日每一字一仙第二日以下每字半仙

原例說

報館之設人知其始於泰西而不知古之軒輶即今之報館然則中國向有此例不過舊典漸湮耳今踵而行之正是復古之章然使其事不足重則去古已遠何必復行可知報館之開未嘗無補於時事故始則港滬兩處踵而行之繼則天津粵垣亦相因而起誠以時務之得失官聲之隆污商務之盛衰鄰交之疎密與及軍威國勢風俗民情皆能彼此互明譯而登報不患有漆室坐談之誚不致有盲人測月之譏且有聞則登速於置郵而傳命則凡關心時事者未嘗不少補其見聞而息相通融為融會因此悟彼已有成莫之可操舉而行之詎至茫然無緒然則報館之所以設非若談狐說鬼類於禡諸騁艷誇妍鄰於稗乘祇足為酒餘之談柄破睡之新聞已也人有隱德則從而表之使其知所奮勉人有惡迹則從而正之使其知所羞悔蓋雖有善士而種福之念未必其始終不衰倘混泯無傳或而中止業既為之表暴則每因好名之一念愈固其初心三代以下患不好名苟能顯厥聲稱即為樹德務滋之士此報館彰善之意所欲在此者也又雖有惡人未嘗不畏眾口之交責惟冀其未著則人無自而知而喪心昧理之端何妨一再嘗試乃能為之揭覆彼即悚然自驚欲人不知除非莫作將為惡之念或有所顧忌而不為輟改前非即成佳士此報館而遇知世無監門誰肯繪圖以進則或隔於勢或怵於威壅塞上聞下情何由而達即有欲訴之苦呼籲仍恨無門乃報館高目維殷代饒豐干之舌準情酌理縷述其不便之端雖非敢獻獨義而當道聞之或亦急圖轉計也惟是草茅坐論原不能無所見而妄肆離黃必其確見確聞利弊之原灼然無誤始為之窮原竟委悉數敷陳夫君子居是邦不非其大夫禮當如是如其政事而善也則揄揚其美望其永本此意以蒞民則雖婉媚而談即累千萬言不嫌其贅然使政事非出於盡善似不宜直揭其隱觸忌於當途不知人非聖賢孰敢謂所行所為悉止於善倘意見有所偏倚見理有所未真則直遂徑情即有失中之咎若能婉詞與語借箸代籌衡衡之謠尚可為在上取裁之助而況言必合義出言有章者乎禹拜昌言于路喜聞已過苟能不激不悖不悖為愚者之一得不足為當道陳耶此本館所以有聞則錄知無不言也非不知文字為貴禍之階不宜賢智先人自取其咎閉門思過不能厚莫於秉鈞軸之顯官惟能以義為衡不鄰於驟妄即官聲政體猶不妨直言不諱則美兼施誠以巷伯編衣公道自在賢宰為政不用他求惟能以民之心為心自能上下相孚羣怨遍德然則報館之盡直繪民情而為蒞治者告正為之贊助其治也豈有類於處士橫議乎哉此則所補甚大固非徒以錄奇紀異為塞責可知也

諭旨恭錄

○六月初二日奉 上諭都察院奏四川奉節縣文生郭海樓遺抱以會匪李國貴毆斃伊姪郭殿元該縣知縣受賄改供頂兇等詞並該衙門呈訴此案業經四川總督具題到部與該生所控情節不符是否確詞難據抑或另有別情著劉秉璋督同臬司親提人証卷宗秉公覆訊據實具奏抱告陳德中該部照例解往備質欽此同日奉 硃筆文敬補授吏科掌印給事中欽此○初三日太常寺題六月二十三日祭 火神廟奉 旨遣徐致祥行禮欽此同日又題六月二十八日 萬壽聖節祭 太廟後殿奉 旨遣恩慶西廡遺錫光各分獻欽此

制軍巡甲

○本城督部總統叻嶼甲等埠所轄地方甚廣故每歲必有出巡之典刻間衛制軍現在將復出巡擬於初四日禮拜一即乘坐施馬路官輪往麻六甲一帶地方巡閱云

法郵船抵叻定期

○英法兩國郵船由歐抵叻之期本報每為登錄蓋先期預告俾欲寄貨附航者得以早為預備以免臨事倉皇也茲接前途發來電報謂法國郵船現已由高浪霧啟行定於初五日禮拜二下午即能抵叻上落客貨畢旋即展輪前往西貢香港上海等處矣

本坡議局會議情形補錄

○去月廿九日本坡議政局會議情形昨日本報已將所議地等情登錄至於昨日所議各節猶未列出茲特為之補錄焉查是日會議之時局紳余君連城因再起向督憲及各員訴說謂空屋繳稅一事須定以兩月為率若逾兩月仍無人租賃則可免其繳稅等詞奈諸人皆不以

方新之際甲中有因尋地之事求為判斷嗣經判畢兩造甚為悅服惟境中諸人如有事而其心有不妥者必將情形稟新國家本亦喜
覽人所入之陳情稟詞俾局內諸君得以細查妥辦以慰眾望也言畢諸人乃拍掌稱賀衛府之善言因將此律宣讀第二次宣畢輔政使司
乃起而對眾曰此律於下期本局會議時諸君始熟籌酌改也言畢眾乃舉議與辭而散

德皇電音 ○廿八日德國都城發來電報云花里蘭親王沿途所出示諭願將性命以保馬之社稷等語惟此事有關當可百靈之約
故德廷聞之甚為不取云

俄皇電報 ○廿八日英京發來電報云現在俄廷已通發布路的書於各國朝廷布路的書譯言明白布告有所弗受也至其書中所
語乃迫各國聯合於俄萬不可從馬邦之事云按俄人之志各國早已知之則今日俄人之請其果有益於各國乎抑有益於俄乎然各國應亦
知所處矣


未雨綢繆 ○刻聞國家現在稽查本坡所儲米石究有若干如不假外求尚可支若干時日想國家之出此乃因先事預防誠恐萬一
有事之秋恐敵船封禁助海然則糧食不足則民將不堪故為查核以期有備無患是亦當道未雨綢繆之深意也

破案離奇 ○現歐洲出有命案一起頗覺離奇蓋此案早已獲有兇徒且經定罪乃越至四年之久始從無意而獲兇者然則此事
洵可入梨園劇本矣據德國報章意謂卑地方有鄉人名施何者素父而居娶妻某氏顏色甚都惟施係耶穌教人而婦則奉天主教者故琴瑟
間每因教事不同屢相反目積不相能而施已潛於外間另娶然則在家之日常少而出外之日常多也一日施復出門乃鄰人見其門久不開
異而入視詎見施婦竟斃於地中而頭顱已破惟屋中各物未嘗損失并有銀元九千囑亦係尋常未動然則并非謀財害命可知惟其琴瑟間素
有怨嫌因疑婦之死為施所害乃將施緝獲解送府堂由府而果迭訊多時有一隣舍子係以耕為業者到堂作証謂其親見施用鐵鎚擊婦之
頭五六下旋即斃命等詞當時承審諸官已疑此事係施所為復得其隣氏子所言因更信之為實於是府而果均無異說而陪審諸員均謂
施有應得之罪矣所幸某司某素稱健吏念此案實不無可疑之處而証供亦未甚顯然故不定以極刑惟判監禁以終其身或者他日能捕獲
兇向不至誤其性命也判既定而案遂結一時聞者無不服官之明察而謂施之見殘惟施父則極其子素性斷不致如是之兇冤憤莫仲乃
四出而暗查兇手竟無所遇迨事閱四年之久近始捕獲兇先是施父出而四處偵訪兇徒杳然無耗一日因在酒樓沽飲見前座有三五少
年正在飲酒歡呼酒至半酣因各誇其能競不相下一少年起而曰諸君所談之本事皆尋常耳吾當年曾作一事公等得聞之乎此事惟我為
之公等或未能也眾因請問其故少年曰即施何殺妻之案是矣想當日吾適醉甚因在施家道過適遇施婦見其美而且麗因入而戲之婦怒
取鐵枝欲擊吾時吾窘甚已不能逃以故將其婦擊斃耳當時施父正在隣座及聞此語不禁駭然乃亟就而細審之則非他即當日赴案作証
之隣舍子也施父至此以真兇斯得乃即忽忽欲出門登即往差館報明立率差至將隣舍子捕獲而該兇到差館後猶直供前情不諱然則
罪人已獲施施可釋而固而出生天矣按此案甚夥聽聞是與前數年中國江甯四牌樓之命案頗為相類然當日四牌樓之命案曾經枉殺屈
學如僧紹宗二人當時亦有一方姓小孩到案作証稱二人為兇手迨此案結後民皆稱神乃不意事閱數年乃因他案而獲真兇由是案竟平
翻失入諸官均罹重罪其原捕肅証之參將胡傳鑑則竟罹大辟原審委員洪琴西都轉亦遭充發以下經審各官分別定罪此案既結輿論始
為翕然乃觀今日意國之案與此頗覺相同惟幸按司訊斷甚精不忍誤於失入故惟監禁尚未戕其性命故今日此案仍可挽回若果當日即
將施正典刑則今日既獲真兇吾不知其何以對施於地下也然則某廉訪詢無愧神明哉

英事近聞 ○仲光西報有言現在英京因緬甸所產石榴米紅寶石之價議論紛如因聞英廷前議將此價歸實得里查洋行承探嗣
又有義蘭那亞八洋行亦欲承探此礦蓋兩行均以採取寶石為生者乃此礦近已歸實得里查行承辦而義蘭那亞八洋行遂無所望聞
該洋行有英相杞公之某公子股份在其中而現有議與勿刺勝付在議院中爭辨此事甚殷以故外間不無竊議蓋該議員為杞公之黨因
疑杞公欲爭此事惟不便於啟口故託該議員為之代辯者云

越信錄聞 ○古越黨氏遣到郵人謂駐越之法軍現已拔隊剿平其南邊之亂查此亂已閱二三年現在始克告平故法竟將此地割
歸東京法屬現聞越廷將此事知照法官謂該地不能割附東京請仍給還越國云而西貢法字報因論謂越王之書談何容易此地久經擾亂
而越竟不能平今我法勞師費餉乃始平之然當往剿該處之時曾先請於越廷乃越竟不能力征然此亂不平則殊於東京邊界有礙故現始
竭力以平之則何易於索返且此事近已奉到廷諭將此地割歸東京管轄越如討取則惟以俟諸異日耳其言若此則該地已無可還之勢查
越王係為法立有名無實動輒皆賴若直道而行則招法怨然枉道而行復招民怨然則今日之事越王可姑勿論惟國中現在應有之慮王宜
亟為講求觀法近來已在東京設官徵收賦稅已甚嚴於東京商旅而法官更肆行苛政凡有華船由中國及本坡往者均不准入口即食鹽一
項亦須抽收出口之稅所以諸商均裹足不前凡此諸端皆益法而損越然則此事正為可慮乃越王并不早為籌及而孽孽於此一地也果
何益哉

機



俠活亞士堅公司謹啟

啟者現本廠
新由上海寶
豐活字排板
石印各書
其甚多約計
百餘種茲以
廉價發沽諸
尊欲採辦者
祈到本館選
購是荷至其
書目太繁不
能殫述其富
厚則用早附
半白體可也
本館謹啟



No. 1234

英國新出頂上花露水出售 ○啟者本公司所製之花露水及高浪水最為佳製其香之清而且久非尋常可及素已馳譽歐洲用此水者莫不噴噴稱爲妙品歷經荷蘭領事星七次以獎其佳然則其妙處可知茲爲通流特佈告倘 諸君有欲採辦者祈請兩致本公司取討價單便知一切特此佈 聞
大英一千八百八十七年四月二十五號
加刺安巴馬厘公司謹啟

良火出售 ○啟者本行現有納蘭之巫亞刺煤炭出售該煤係於納蘭屬地巫亞刺之文萊地方所產查其煤與新金山所產者不相上下其質可及英國威士島里地方煤苗之力現在各輪船購用此煤者甚多如昇煥輪船豐安輪船網加輪船勞埃里士輪船以及慕娘港內諸小輪船均購用此煤而英國戰船亦有明之者該煤並無泥土機雜其礦約挖至廿四英尺或廿六英尺即能得煤茲欲廣行銷售有欲購用者如欲在納蘭取用則可先行立約俾得早爲填備至於納中以及接濟倫或購辦他往亦可即定購來亦無不可 諸君有欲購者請至本行之代理人然申洋行相商便得
大英一千八百八十七年五月二十四號
交爾兄弟洋行謹啟

賞格 ○邇來私烟進口者頗多故販私日盛本坡鴉片碼官虧折不淺茲舉碼官深信載私進口一事實屬旅居石叻之殷富華人爲之而用人代行故特出此賞格凡人除販私者之外如能通信作線將該販私人等拿獲俾得明正其罪者即謝花紅銀五千大員至該線人亦爲官自當協同極力保護之再此花紅銀五千大員乃經稟准 三州府總巡捕大人而出者 諸君幸勿見疑
大英一千八百八十七年二月式號
光緒拾三年正月三拾日
鴉片公司眾碼官啟

雜貨平沽 ○啟者茲本號常有各色用物出沽貨美而價廉最便 諸君購探計有長款地氈每張計二十碼價銀由二角至五角高下不等以貨之美劣爲別 月眉樓地氈每張價銀由四角至三元亦視貨爲分別 洗馬擦每枝價銀由一角二仙至二角 椰索係由徑一英寸至八英寸每担價銀由六元四角半椰棕毛每担價銀五角 以上各貨均係實美價值廉非別家可比 諸君有欲採買者請移 玉至海山會館隔隣第一十六號門牌本號看閱便得特此佈 聞
大英一千八百八十七年七月一號
西廊人亞里亞嗎里加謹啟

美國峇打妙厘號新欸時鏢出售

啟者茲本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行晷度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜二利也又其鏢機輪甚佳且殊堅固最堪耐久即使年湮代遠亦無廢壞之虞三利也至其鏢製其精不惟適用而且美觀令人見之愛不釋手四利也矧其價復甚廉較之他表殊爲省費五利也由此五利則誠非尋常可及且買此表者可保其用一年無須修理且一年之後即須修理亦無庸謂其時價若他表須二元始能修好者而此表則不滿僅六角之資即能修復甚且無須六角蓋其機器係爲新創其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘復製有表鍊甚多各欸俱備且其欸最新其工最巧較諸近來行用者又勝一籌矧其價復甚廉鍊價銀僅由六角至二元至其表鍊黃者如金白者如銀令人觀之無從辨其真贗倘諸君有欲購買者請至本坡各洋雜貨店中相閱如該貨未備則請至本行面商本行坐落土庫後街順豐銀行之鄰 諸君惠臨移 玉趾至於本坡則惟本行代理並無別家並此佈聞 諸惟惠鑒
大英一千八百八十七年六月十五號
大清光緒十三年閏四月二十四日
莫實得洋行謹啟

Charles Heidsieck's
White Seal Champagne
三品酒出售 ○啟者本行督辦歐洲馳名三品洋酒來叻發售其酒係白頭欸式發售有年沽飲 諸君莫不稱其香醇奈近有無恥之徒假冒本庄三品酒欸式以圖魚目混珠情殊可恨嗣後 諸君沽買本行白頭三品酒者請細認本號招牌之內有小紙包頭註華字新 及明也公司者始佳若無此字樣即屬偽冒請爲細認特此佈 聞
大英一千八百八十五年十月廿九號
明也公司謹啟

本館告白 ○啟者本館自開設以來辱承各外埠 諸君子不棄時有所投或一紙書傳奇異來告或半寸緘至報籍分購固屬無計于之雅愛亦本館主之所樂聞也但是交到魚書多有未經貼用書信館之印單者竊查信館定章與凡郵寄之函件若未先買印單貼於函之背面則在口一概不收不拆希勿以方命見責是幸預爲佈告即請 文安不宣
本館告白

借銀定議 ○臺北商務鐵路公司前擬向德國禮利洋行商酌令其經手在德京華泰銀行借銀五十萬兩嗣經禮和洋行向人過臺與劉省帥面商因所議利息不符作為罷論然禮和洋人已空勞跋涉矣茲聞此款已由天津滙豐銀行出借每年以五釐生息前報所載向德商借銀五十萬兩已立同云云蓋係傳聞之誤也

鏡海郵簡 ○澳門來信謂公物會於上月十七日下午會議欲將新充魚欄人之利權銷去議以舊人承充故現承之人得聞公物會消息亦即稟退然新承之人按月交餉公物會無權奪回所立之合同蓋其合同內有一云云如承充人不能照所列之價供足所用者督憲可以罰並可繳消其合同今者不乘此機會將此合同轉回舊人則必須待兩年後始能另招別人也夫澳門生意冷淡皆由新舊漁人爭利耳澳官其好自為之

羅浮異人 ○阿爾者不知其所從來客歲投居惠州羅浮山白鶴觀時為道人采茶雖寒甚不肯衣布熱甚未嘗持扇自編草作衫褲織為履比其足倍長闊曳之行或挂之杖頭壁間或食或不食時入雲深處呼之多不應與人語多不相解因共呼為阿爾其腰間有如黑石者二無事則出就火燒之見人來輒從火中取出收還故處問之則曰燒未熟熱可與爾共食視其腰處則當席中有雙手掌痕夜間喃喃不知何為時有虛一日啞二牛去道人戲謂爾可為我尋來爾乃編草為索曰請繫之既往薄暮望之不見返照射入峻坂上雲破處忽見其以草索環一白額虎虎躍則與之皆騰遙見人則以拳鼓虎額且持其耳至觀前引虎頭中索爾背腹至數百乃聽去虎垂尾疾走若畏人舉狀人以此異之然終不能識其為何如人也

安徽災象 ○安徽省廣濟圩衝決情形疊列本報今悉當險工迭出之後懷寧桐城二邑專稟請撫憲陳六洲大中丞撥勇幫同搶築而風狂雨大波浪滔天取土又甚不易欲慶合龍恐非一手足之烈也○圩破後災民赴城求賑者扶老携幼絡繹不絕多在 御碑亭下各處搭蓋蘆棚露拳蜷縮值此三伏炎天恐難免於疫癘六帥痼瘼在抱一面發銀買米賑濟一面明查暗訪毋許米商高擡市價商人奉令維謹每石上熟米價不過大錢三千文左右軍民安堵如故○陳大中丞於五月十九日札飭府縣出示嚴禁屠宰設壇三日率屬祈晴仰蒙 上蒼眷佑雨止日出皆賴賢大憲一念之誠○院中入夏以來陰雨連綿居民每值夜深人靜之候隱隱聞微吼聲似水起濕泡者不知自何而來亦不知主何朕兆也○各大憲一誠有感日來天幸放晴奈濕氣 蒸疫癘彌甚有全家疾病者有一家連死二三人者醫牛接應不暇而多棘手嗟彼災民何以堪之○夏暑雨小民惟日怨天尤人矣今則一輪火傘終日當空高阜之田水耗實甚諺云久雨難經十日乾况屈指放晴已有半月之久若不速沛甘霖旱災恐又不可避免原苦旱下濕患淹是天之降災於皖民也聞上憲又有求雨之意賢有司為民請命真寤寐不忘哉○撫憲俯念災黎流離失所前所採辦之蘆席現已分散災民在子空處搭棚而居日昨又在藩庫提銀三千兩採買穀米開俟災民蘆棚搭後按口散給聞各憲亦有捐餉俾而救鳩形者此災民不幸中之幸也

甸疆瑣語 ○仁川瘟疫較漢城為甚日有死亡人心為之惴惴○南山下日商甚多日人遂呼是處為日本街現在壇平道路挑潑溝渠大有為久居計者豈其不知有遷移龍山之約也○日本飯館皆以婦女行酒勸客情意殷殷左右閭巷土坡環居招以俯觸應聲而至醉翁之意雖不在酒而飯館生涯因之日見興旺矣○官娥有作中國裝飾者有效洋婦裝束者不特獻媚圖妍抑且矜奇炫異矣○西街新開之洋行寄異貨物積累如山能令見者應接不暇世子聞之易裝而出潛往遊觀有二大監從之○有華人正行於途值領事陳君公出呵殿而過未知迴避貿然直前領事以為不敬當街責之○華人作小貿易者每日清晨赴南門內設攤出售日人亦從而效之彼此各存芥蒂動起爭端日久恐不能相安無事也○所食諸物莫不昂貴華商之貨銷路不多其勢難以支撐無怪皆歸故里也○機工又停止多日因絲向不敷所用也養蠶二年未收其利可奈何○中國無業之人因查拿甚嚴有潛蓄鬚髮改為朝鮮裝束者口操韓音非素識之人幾於真偽莫辨亦以見此輩之無所不為無所不能也○王又催問前歲辦桑之人須將蒙銀兩按數繳還韓官某乙受累不淺○藥材不其暢銷各處藥材店生意蕭條皆云數十年來無如此之甚者蓋時勢使然耳○牛瘟未已食牛肉者往往致重竟有殞命者其病體青腫不忍寓目蓋牛既受瘟肉自有毒也○有坐于官門外手持一本若控狀然蓋欲叩關而無由故株守以待也傳說其家有沈寃被人陷害數十口有謂其先人係一純儒生平多所著述所持者蓋其著作稿擬將上呈王覽邀身後之褒嘉○機器局近造出鎗炮甚多亦頗靈敏可用從此精益求精固不難轉弱為強不禁拭目之矣

京報選錄 ○尚書銜降一級留任甘肅新張巡撫二等男臣劉錦棠跪 奏為揀員請補要缺知縣以重地方恭摺仰祈 聖鑒事竊據甘肅新張布政使魏光燾兼按察使銜領地恩恩給會詳稱新張設沙車直隸州屬城縣知縣所轄幅員寬廣東南面戈壁居多人民散處地土亦肥瘠不一且南有卡倫為溫都斯坦商民井來西道稽查彈壓治理匪易應請定為衝疲難三項要缺該縣係屬新設各缺前奉議准照吉林新章由外揀補一次在案查有補缺後在任候補直隸州知州 秦留新張委用知縣黃袁年四十五歲湖南長沙府善化縣人由附貢生於同治十二年在湖南援防捐局捐補運司經歷指分廣東東州鹽課司提舉升銜並免赴部驗看是年十一月經湖南撫臣駱看給咨上


方足以資治理茲查蒲州府屬之虞鄉縣地通秦豫附近鹽池捕盜緝私均關緊要且民情好訟治理較難雖舊縣缺非精明強幹之員弗克勝任現任知縣崔鑄善年四十三歲直隸靈雲縣人由監生遵例報捐府經歷在籍辦團出力保俟選缺後以候補用選授朔平府經歷同治九年十二月到任丁憂服滿光緒二年七月以知縣仍發山西候補加捐儘先補用 題補虞鄉縣知縣五年閏三月二十一日到任該員老成穩重辦事細心惟於斯缺不甚相宜自應酌量更調查有准補澤州府屬陵川縣知縣王煒現年四十九歲陝西扶風縣人由廩生考取咸豐辛酉科拔貢同治元年 朝考一等以知縣用管肇山西是年八月到魯九年丁憂回籍十二年三月起復回省光緒十年 題署陵川縣知縣因暑文水縣知縣辦理河工尚未赴任該員才具明晰勇敢有為以之調補虞鄉縣知縣可期措理裕如所遺陵川縣知縣事簡易治即以虞鄉縣知縣崔鑄善調補亦堪勝任如此一轉移間人地各得其宜據布政使張照按察使黃寬詳會前來合無仰懇 天恩 俯准將陵川縣知縣王煒調補虞鄉縣知縣所遺陵川縣知縣即以虞鄉縣知縣崔鑄善調補實於地方有裨如蒙 俞允該員等均係簡缺對關銜缺相當毋庸送部引見任內亦無各項違碍處分合併聲明所有對調簡缺知縣緣由理合繕摺具陳伏乞 皇太后 皇上聖鑒 奏奉 硃批吏部議奏欽此

○明勳片 再查洋藥稅課係專款解部之項自光緒十二年正月二十四日奴才任事之日起至十三年閏四月十二日止計一年三個月零十九日准宿海等關共收洋藥稅銀七千八百六兩四錢奴才現已任滿應懇親齋解 京惟向無兵役護送長途恐有疏虞不足以昭慎重當援照成案將前項銀兩發交殷實票商滙兌赴 都仍俟奴才到 京之日前赴戶部交納復查進口洋藥經總理各國事務衙門會同戶部 奏定新章各省洋藥稅額於本年正月初九日起一律歸洋關併徵由洋關填給連單黏貼印封經過各關卡概不重徵等因前准南洋大臣曾國荃咨會前來奴才業經遵照辦理除分別轉明戶部外謹附片陳明伏乞 聖鑒訓示謹 奏奉 硃批該衙門知道欽此

○岑毓英片 再查打仗受傷人員例准請免騎射茲據雲貴督標中軍副將屈洪泰詳藍翎游擊銜儘先補用都司李瑋歷年帶勇剿賊克復各府廳州縣城池平定多處迭次受傷雖經醫治就痊而兩膊受損弓馬不甚靈便請奏免騎射學習槍炮等情前來當即委員查驗屬實並無規避情事合無仰懇 天恩俯准將該員李瑋免其騎射出自 逾格鴻施除飭該員遵章操習槍炮並將履歷清冊送部查核外理合附片具陳伏乞 聖鑒 奏奉 硃批著照所請兵部知道欽此

諸君有就教者請移玉至小坡大馬路實得力馬房對面第七十五號門牌詢問便得併此佈聞
大英一千八百八十七年八月十八號
西醫礁實葛謹啟

聲明告白 ○茲廖內和美號並林徐等前與實叻協茂號合夥建造火船一隻名曰金協美泛叻廖二處其船前付協茂號料理今協茂號將船中之股份抽起意圖別業即日將船歸與廖內和美號並林徐等承坐限二禮拜交錢爾等諸商戶前所有與船中長短者務宜就依限內及早抵向中街協榮茂號報明為妥如過二禮拜以外做銀還訖就與做無涉先此聲明免致後論謹佈
光緒十三年六月廿八日 大英一千八百八十七年八月十七號 廖內和美號代理人實叻協榮茂號告白



暹羅失水帆船出投
 ○敬啟者茲定於西本月二十三號即華七月初五日禮拜二下午二點半鐘在本館內拍賣暹羅失水帆船一艘該船名廣利因載貨至距網略二百水里之哥山羅厚海面沉溺該船載貨甚多有煥智木料計值五千三百元其船新經修理甚為堅固現離失水陷於浮泥之上如有快船可將該船拖至淺水之處即可將船貨概行取起並無大害 諸君有合意者請屆期 玉臨投買是荷
 大英一千八百八十七年八月十七號
 巴越館主謹啟

二寶燭洋面火燭保險公司告白
 ○保險公司之設愈出愈多競善爭長均無不謂己之公司為盡善盡美總之各有長處惟其價之廉者始為有益於投保諸人茲本行已承三寶燭洋面火燭保險公司之命作為駐叻代理人以代保一切洋面以及火燭平安保險所有保費無不格外從廉為自來所未有其二號保險係由叻寄貨往港者照平常保費更現扣廿八仙外并增扣廿八仙然則其價之廉較諸別家勝之甚遠倘 諸君有惠顧者請移 玉至本行面議而本行寫字樓係在登邦路頭南生及豐興兩店之中茲並錄明此佈
 大英一千八百八十七年八月十六號
 代理人福蘭洋行謹啟

開張告白
 ○敬啟者茲 黃金帶 劉己 張炳南 余振有 王景壽五人合股同創在牛車水戲園街廣恒泰號生意其股計均五份半黃金帶名下着一份半其餘四名每名一股公議黃金帶在店中管理內櫃出入銀兩並兼揭出附充等項劉己管理上衙門事務並之店中生理出入新客門路特此佈聞
 大清緒十三年丁亥六月二十七日 廣恒泰號 黃金帶 劉己 張炳南 余振有 王景壽同啟

報窮告白
 ○啟者茲鐵甲橋頭第二百五十一號門牌和興號黃得海報窮一案經蒙 泉憲委員威林怒里士為代理報窮人現泉憲經已下令定於西九月五號即華七月十八日禮拜一上午十一點鐘在署當堂查核其報窮原由茲特聲明倘 諸君有收藏該報窮人之物件者可即送交代理報窮人處而有欠到該報窮人之款項者亦即送交代理報窮人處至該報窮人所有欠到各項賬目可即列單至代理報窮人處報明如有不來係為自誤特此佈 聞
 大英一千八百八十七年八月十號
 泉署經歷司惹絲美芝謹啟

眼科神妙
 ○啟者西人因刺沙刺士眼科中神手也近在歐洲帶有眼鏡等物來叻發售其售賣眼鏡之法與他人不同蓋用其鏡者不惟使眼煥發光明並可歷久並無眼患且精醫眼科無微不至余曾經延之診果有奇效誠非尋常可及洵不愧銀海良醫也余感荷甚因誌數言以銘大德至先生現寓拋球場對面之亞勞大酒店第三十一號房位中 諸君有欲就教者請勞玉趾為荷
 大英一千八百八十七年八月八號
 陳金鐘謹啟

護眼神奇



啟者余向習眼科有年自信得其神奧因以眼科之法製造眼鏡與尋常所沽者不同用此眼鏡者不惟使眼光明并可長護其眼不至損壞茲以遨遊過叻暫居數日因順帶此種眼鏡以備 諸君選用現寄寓於拋球場對面之亞勞大酒店第卅一號房位中 諸君有欲置辦此種眼鏡者請親自惠臨俟余先行察驗其眼何處有病應用何眼鏡而後酌量給賣 諸君惠顧由每日上午八點鐘至下午五點鐘均可承教至於各 寶眷有欲採辦此鏡而不便出門者則可預為通知俾得就教如有到門問症者概不受謝特此佈聞
 因刺沙刺士謹啟

海銀馳譽
 再啟者余之眼鏡久已遐邇傳名前在印度地方經印度總督刺弗公驗過大加賞識獎譽良多則此眼鏡之精自非尋常可及諸君有欲保護其眼使常發光明者請即移玉惠臨因余居叻為日無多不日則行將他適倘遲來則有不及之處宜速為貴幸勿遷延致誤也
 因刺沙刺士再啟
 大英一千八百八十七年八月八號

頂上萬蘭池酒



啟者本行承為公司之命託為代賣萬蘭池酒此酒香美異常非平常所沽賣者堪比今叻嶼兩埠准有本行沽出此酒并無別家賣故特將此酒之標頭刊出請為細認倘有無恥之徒假冒此標抑或另出他標以仿本標之款以圖射利者一經查出定必嚴行稟究決不姑寬特此聲明至於此標標頭業經稟呈德廷崇蒙允准并禁他人不得冒效茲特為列出倘 諸君有欲沽買此酒者認明標頭款式并細辨香味勿為魚目所混焉則幸甚
 大英一千八百八十七年七月十四號
 大清光緒十三年丁亥五月二十四日
 葛士兄弟洋行謹啟

